

page 11

DISSERTATIO MEDICA
INAUGURALIS,
DE
INCUBO.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S. T.P.
ACADEMIÆ EDINBURGENÆ Praefecti;

NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto;
PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subicit *e*
ANTONIUS GEORGIUS FORBES,
EX INSULA SANCTI CHRISTOPHORI,

SOCIET. REG. PHYS. EDIN. SOC. HON.
SOCIET. REG. MED. EDIN. SOC. EXTR.
SOCIET. STUDIOS. NAT. EDIN. SOC. EXTR.
NEC NON
SOCIET. CHIRURG. OBSTET. PRÆS. AN.

*Somnia, terrores magicos, miracula, sagas
Nocturnos lemures, portentaque Thessala vides?* Hor.

Ad diem 12. Septembris, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXVIII.

DISSEMINATIO MEDICAE

IN AUSTRIA

DE

I N C U B O

DE

ANIMAE

ET ALIIS

JOHANNES ROBERTSON

PROFESSOR

DE

PHYSICA

ET

PROFESSOR

DE

PHYSICA

ET

ANTONII GEORGII

DE

PHYSICA

ET

PHYSICA

ET

PHYSICA

ET

PHYSICA

ET

PHYSICA

ET

PHYSICA

ET

PHYSICA

ET

PHYSICA

ET

PHYSICA

ET

PHYSICA

Quale portentum neque militaris
Daunia in latis alit esculetis,
Nec Jubae tellus generat, Leonum
Arida nutrix.

HOR.

———Eat quacunque, puellis
Injiciat curam quaerendi fingula, quali
Sit facie, fura quali, pede, dente, capillo.

ID.

Or, je demande s'il n'est pas plus naturel de rapporter une pareille depravation d'idees a un organe materiel affecté par une cause morbifique, qu'a un être spirituel, qu'il faudroit supposer être susceptible de changer de modification ou de maniere d'être, ce qui ne peut convenir qu'a la matiere.

Fabre sur les facultés de l'ame.

Quis potentiam nescit nullam
Dantia in istis annis
Nec sapere tollit potentia
Ardua nescit

Non

— In quatuordecim
Istis cum in quatuordecim
Et istis, istis, istis, istis
In

Quis potentiam nescit nullam
Dantia in istis annis
Nec sapere tollit potentia
Ardua nescit

AVUNCULO SUO DILECTISSIMO,
ANTONIO GULIELMO SOMARSALL,

ARMIGERO,

UNI E SENATORIBUS CONCILII POPULARIBUS

IN INSULA SANCTI CHRISTOPHORI,

S. P. D.

ANTONIUS GEORGIUS FORBES.

JUSTIUS equidem nulli quam tibi, vir honoratissime, qui me, unguiculis adhuc teneris, securum praestabas, quique, aetate jam firmiore, meusque sicut filium tuum amatum, amantissime curas, hancce opellam medicam sacrare possum. Cura tua, fere amplius paterna, mihi semper praesidio fuit, pueritiae errores delictaque leniter redarguit, et semitam (ah! nimium insidiis circumfessam) quae tuto virilem ad aetatem ducit, sollicitissime designavit. Te, nullo tempore, non praestitisti munificum, munificentia vero nunquam magis eminuit, quam, quo, minus ipse eam demerebar.

rebar. Pro his talibusque quamplurimis benigne factis, quatenus, O mihi decus! tibi reddam? Quam multum laetor, quod hodie, confecto studiorum medicorum curriculo, tuam integritatem, amicitiam, et erga me benevolentiam, vulgare mihi contingit! Avuncule mi carissime, hasce meas, qualescunque sint, scientiae medicae primitias, animi tuorum omnium beneficiorum memoris pignus quamvis impar, sincerum tamen debitumque, quaeso, ut accipias. VALE!

Edinburgi prid. ante

Id. Septembr. an. 1788.

Propinquo suo

Et amico spectatissimo,

GULIELMO STEVENS, M.D.

Concillii,

In Insula Sancti Christophori,

Senatori incorrupto ;

Viro,

Non magis muniis publicis

Fideliter obitis,

Quam virtutibus privatis et domesticis,

Nobilitato ;

Leve fui amoris et observantiae

Testimonium,

Hocce specimen medicum

Quoque dicare

Voluit

ANTONIUS GEORGIUS FORBES.

ANTONIUS GEORGIUS FORBES

Volunt

Quodque dicant

Hocce specimen medicum

Testimonium

Locum sui amorem et obsequium

Nobilissimo

Quam virtutibus privatis et domesticis

Fideliter obsequi

Non magis minusque propriis

Vitae

Senectutem incorrupto

In Italia Sacerdoti Christiano

Carissimi

GULIELMO STEVENS M.D.

Et amico speciatissimo

Propinquum suo

DE INCUBO.
DISSERTATIO MEDICA

INAUGURALIS,

DE

INCUBO.

ANTIQUOS inter scriptores non multi, quantum novimus, hunc ad morbum animadverterunt; quique tractant, dum causis eum praeter naturam attribuebant, ii cursus devii, nunquam rationem justam, nedum viam sublevandi, inventuri, semet sophismatis absurdis demum implicabant. Vana, scilicet, impediti superstitione, qua numini daemonum, irae ministrorum divinae in homines scelestos, incu-

A

bum

bum referre in animum induxere, indolem ejus aequae ac curationem investigare summum nefas censuerunt *. Si autem fas alicui unquam visum, tamen, et anatomiae scientiae et sanguinis praesertim circuitus omnino ignarus, ullam explicationem fide dignam, nunquam daturus esset.

Nec

* Sic, ab antiquissimis etiam temporibus, solenne fuit, morborum, si non omnium, saltem multorum, originem et causas, ad numina offensa, aut daemones iratos, aut sidera malignius micantia, aut artem magicam, referre, et idoneam, quaeque his causis responderet, medendi rationem instituire, donec variis piaculis, et ritibus superstitiosis, et carminibus magicis, pacatis numinibus aut daemonibus, expiata et sedata malignitate siderum, frustrataque magice quae noceret, et sic sublati eorum causis, semet urgentibus malis liberarent.—*Consp. Med. Theoret. Praefat.*
p. 30.

Nec quidem recentiorum investigationes, quamvis alias propter causas, multo melius votis cesserunt. Metaphysici, in mentem solam conversi, nexumque eam inter et corpus nimium negligentes, et insuper medicae artis imperiti, hocce malum animo penitus retulerunt. Dum nesciunt de quo vel quomodo garriunt, interea aeger auxilii inops speque destitutus languescere linquitur. Hoc de errore memorans auctor clarissimus, cujus memoria, quamdiu ingenio et virtuti eximiae justa suaque supersint praeemia, sacra habebitur, aptissime observavit.

“It has been,” suis enim verbis utar,
“the misfortune of most of those who
“have studied the philosophy of the hu-
“man mind, that they have been little ac-
“quainted with the structure of the human
“body, and with the laws of the animal
“oeconomy;

"oeconomy ; and yet the mind and body
 "are so intimately connected, and have
 "such an influence upon one another, that
 "the constitution of either, examined a-
 "part, can never be thoroughly under-
 "stood *." Contra, qui omnes phaenome-
 na ostendere singula de corpore pendere
 conati, ii quoque non nisi theorias mancas
 et imperfectas obtulerunt. Errores diffi-
 cultatesque, quibuscum hi praecipue impli-
 citi sunt, origines, ut mihi videtur, nimis
 ex arcto signorum prospectu, traxerunt :
 His, enim, ea cura, qua decuit, perpensis,
 quam plurima quidem se obtulissent, qui-
 bus eorum ratiocinationi obstatum esset.

Nihil

* Vide Gregory's comparative View of the State
 and Faculties of Man with those of the Animal
 World.

Nihil verisimilis, ut apparet, de incubo fere traditum fuerat, ante annum 1751, quo Doct. Bond in dissert. inaug. apud Edinb. edita, quaedam nova et quidem probabiliora in lucem prodidit. At errores et hic inveniuntur; namque prorsus certis causis addictus videtur, aegriusque omnia fatis perspicit.

Haec haecenus de causis dicta quae hujusce naturam affectionis tamdiu obscuram reddere contribuerunt, proximum est, ut eam, qualis sit, et quaenam jucundior effectis gravioribus subveniendi methodus, pro virili parte inquiram.

HISTORIA,

HISTORIA.

Hic morbus, si recte ita dicitur, hominibus non, nisi dormientibus, infilit. Tempore, quo corpus animusque, curis ac laboribus defessi, vires suas in somni amplexibus maxime reficere avent, immisericors incubus aggrediens illud opprimit, huncque vanis perterret. Quam ob rem partim, partimque ob sensationem, quam conqueritur aeger, malum a Gracis *εφιαλτης*, Latinis *Incubus*, Anglis *Night-mare*, *Hag-riding*, &c. dictum est: Nomina omnia, quamvis in aliis, et etiam in eadem lingua, alia, tamen eandem ad notionem quodam tenus referenda sunt.

Resupine

Resupine obdormiscentes saepius corripit. Accessum paroxysmi comitantur somnia dira, quae exquisitè ficta, varietate inter se conjuncta, aegri animum perquam terrent vexantque ineffabili aegritudine. Ea aliquamdiu durant et angor, immo augentur, et fere intoleranda evadunt.

Spectrum decumbens vidit, saltemve se videre imaginatur, quod, cum dormitorium suum intrasset, visu horrendum, furtivo cum incessu sese lectulo admovet. Pedes primum et crura deinde occupat, et subdole demum ad abdomen monstrum perrepens, furioso cum saltu, pectori insilit. Ponderis nunc sensum in pectore gravius persentiscit, quod, aliis eodem tempore signis gliscentibus, ideam alicujus re vera in eo insidentis imaginationi aegri imprimit.

Spiritus

Spiritus maxime difficilis, vel nullus est. Trachea simul, veluti recte circumjecta, comprimitur. Aurium tinnitus nec raro obtinet. Pulsus admodum languidus, vel omnino deficit.

Nunc horret miserrimus; et jamjam, ni onus excutiatur, moriturus est. Movere conatur, frustra vero connititur; membra enim voluntatem sequi recusant, nec animi imperio facilius obtemperant, quam si rupes monti Ossae affixae essent. Insomnem interea sese existimat. Subsidium accire enititur; tum vero torpet vox spiritusque; non nisi ducit suspiria; gemitus graves et aegre sonos interruptos edere queat:

——— Non lingua valet, non corpore notae
Sufficiunt vires, nec vox nec verba sequuntur.

Mox

Mox, comprehenso aliquamdiu his miseriis aegro, cruciatus intolerandus prorsus fit. Vires, ut nisum validum extremumque naturae faciat, omnes colligit; suisque tandem votis plerumque respondet conatus. Actutum expergescit, et ab omnibus aerumnis sensim evadit.

Notabile est, quod, aegro nec dormiente neque expergescit penitus, monstrum, a remissione incepta usquedum animus redeat, sensim, et ut primo accessisset, recedere videtur; sed, cum primum distincta perceptio evadat, penitus evanescit. Nunc aeger compos sui fit. Cor autem, paroxysmo finito, palpitat. Animus depressus multum languet, et aliquid anxietatis praecordia perstringit. Illa quoque symptomata pedetentim discedunt, et tacitum gaudia per-

tendant pectus ob recordationem periculi
tam instantis modo evitati gratam.

Iis terrificis spectris nulla, ut videtur,
forma est certa. Variant inania pro rebus
quas somniat aeger; imaginesque aliae ali-
orum imaginationi se offerunt. Interdum
bestiae formam alicujus induunt, veluti fe-
lis indomitae, lupi, aliufve ferae; alias au-
tem speciem humanam prae se ferunt;
multo frequentius vero eam figuram, quam
sibi vana finxit imaginatio, ipsum ad Pluto-
nem vel ejus hospites pertinere, trahunt.
Hinc ea suborta superstitio, quae incubum
daemonum dormientes vexantium numini
malo attribuit. Hanc metaphysicorum non-
nulli, et anatomiae et physiologiae imperi-
ti, rationem opera navarunt sustinere*.

D I A G-

* Vide Baxter on the Soul.

DIAGNOSIS.

Né hoc cum alijs fomni interpellationibus malum confunderetur, definitionem proponere diagnosticam necesse duxi. Quapropter eam a celeberrimo Professore nostro traditam, utpote quae mihi plena satis videatur, simulque quaeque necessaria continens, subjiciam.

“ Oneirodynia (*gravans*) ex sensu ponderis alicujus incumbentis, et pectus praecipue comprimentis *.”

Perraro, confitendum est, incidit, ut singulis in mali hujus paroxysmis sensationes,
signave

* Vide Cull. Synop. Nosol. Method. Gen. 68.

signave omnia supra comprehensa occurrant. Quo enim mediocrior sit insultus, eo pauciora symptomata, et, quae sint, minus faeviunt. Praeter ponderis sensum, et alicujus pectus comprimentis, quae somnia, et aliquid angoris excitant, nulla alia multum urgent. Ab his igitur, quae, quasi propria, oportet semper adesse, morbus, de quo nunc agitur, ab omni alia oneirodyniae specie satis dignoscitur.

C A U S A E.

Causae, si dictas omnes respiciamus, evidenter duplicem in classem discedunt. Aliae, scilicet, quas metaphysicas dicam, ad mentem solam; aliae, physicae appellandae, ad
corpus

corpus spectant. Primum de noxis, nomine metaphysicis, pauca sunt dicenda.

Opinio fuit Epicuro, innumeras imaginum turmas exilium, quarum aliae ex rebus externis dimanant, aliaeque per se, varie autem invicem mistae, nascuntur, in aethere semper volitare, nostraque circum corpora actas esse; easque facile propter tenuitatem alte penetrare, mentemque impellentes ejus exfuscitare vires, et tum vigilantibus cogitationes, cum dormienti somnia, facere. Eae, ut is summonuit, animum noctu gravius exercentes, graviora exigunt somnia.

Aristoteles quodvis sensibus externis obiectum imprimere characterem certum in mentem humanam, aliamve partem opinatur,

tur, qui, objecto ipso remoto, aliquamdiu manens, postea, etiam per somnum, ab animo recognoscitur, iisque phantasmatis, quae sese aliquando nobis offerunt, originem praebet. Meum hoc temporis minime est, aut illarum examinationem inire sententiarum, vel utriusque comparisonem diligenter instituere. Satis dixisse sit, duarum non solum verisimiliorem, sed etiam faciliorem intellectu, posteriorem esse. Insuper, meo saltem iudicio, melius pro animi multis facultatibus rationem reddere valet, eodemque tempore, generis nervosi oeconomiae laetius, quantum adhuc nobis patuit, respondet. Multopere vero, hisce serio respectis theoriis, dubito, an vel huic illive referre incubum fas sit.

Aliae autem proferendae adhuc sententiae.

tiae. Haud longe antea certi metaphysici scriptores, quorumque vestigia medicorum sequerentur nonnulli, oneirodyniam gravantem omnino menti dabant imaginanti.

Bellinus censuit, ex imaginatione ab aliquo daemone pridie impressa ortam esse. Sententia haec originem traxisse videtur ex Paracelsi doctrina de Archeo *. Baxter in eandem fere sententiam pedibus ivit; is enim, ad phaenomena morbi solvenda, ferio posuit, certos daemones mentem exagitare, eique, cum somnus, veluti amictu, sensus omnes obnupserit, falsis imaginibus illudere. Illas gravi cum vultu conjecturas refutare fere ridiculum esset. Pensum certe peringratum foret; ad quod peragendum nec mihi voluntas est, neque, si esset, occasio

memet

* Vide Van Helmont. Arch. Fab.

memet in tantis implicare captionibus moneret. Infuper, ab hoc eo magis absterreor, cum, qui hos metaphysices saltus antea peragravere, hi omnes defessi, et nihil certi referentes, domum redierint. Hoc tantum: Philosophi animus tandem vano daemonum terrore liberatur*; eique licet ex fonte puriore depromere scientiam. Nunc (fari enim juvat) sacrificulorum astutia demittit. Executiuntur superstitionis vincula. Religio nostra, rejectaneis, cum quibus antea scatebat, purgata est, et cultores saniora docet†. Archei ejusque famulorum ditio dudum cessit, adque nihilum redacta est.

Ad

* Daemonum in nostra corpora, vel hisce temporibus in mentes nostras, potentiam ullam esse pauci jam credunt.—*Cull. Synop. Nosol. Method.* p. 260.

† Olim daemones, variis spectris, hominum mentes decipiebant, fontibusque et fluviis, lignis aut lapidibus

Ad causas physicas quod attinet ; Doctor Willis hoc malum voluit aliquae materiae in cerebello incongruae fluido nervoso commistae deberi *. Sententia haec adeo absurda est, ut vix refutatione seria egeat. De fluido enimvero nervoso, ejusve indole et partibus constituentibus, cognitionis parum certae adhuc comparavimus ; quinimo nullum existere medicorum non pauci affirmarunt ; quare nullus dubito hanc notionem, incertam et chimericam quasi, rejicere.

Lowerus, primus situm corporis horizontali annotans, causam hujus remotam

C

esse,

pidibus infidentes stultos mortales praestigiis percel-
lebant: Jam vero post divinum verbi adventum, eva-
nuerunt hujusmodi fallaciae.—*Athanasius de Incarna-
tione Verbi Dei, cap. 47. p. 88.*

* Vide Willis de Anim. Brut.

esse, morbum tardiori sanguinis reditui ad cor attribuebat. Hoc illi magis firmari videbatur, ex cadavere cujusdam inciso, qui vivus hoc saepe malo tentatus fuerat; cum, enim, intra cranium, ventriculum praecipue quantum ferofi humoris reperiretur quantitas solitum exsuperans, fieri id ob sanguinis in cerebro remoram, censebat. Si autem ex observationibus judicare, super quas sententiam suam condidit, fas nobis sit, cernere clarum est, morbum non nisi symptomatum censendum esse. Hydrocephalo fortassis laboraverat aeger, cui cerebrum post interitum defecabatur, et inde aqua quae ab eo reperiretur. Minime tamen negandum, tali ab effusione quaedam incubi signa oriri posse *; nec vero simul sequitur, mea saltem

* Vide Van Swiet. Com. in Aphor. 1020.

tem opinione, ut ab ea sola semper proveniat hoc malum. Experientia parum brevis docuit oneirodyniae prognosin esse satis faustam, cum, contra, hydrocephalus morbus ut plurimum insanabilis judicatur fere ab omnibus.

Doct. Bond in dissertatione inaugurali supra citata, in eandem fere theoriam ivisse videtur; "a sanguinis motu aliquomodo pendere videtur incubus*." Morbi phaenomena humori aut circumactō, aut in vasculis et encephali sinubus, vel magnis prope cor et pulmones vasis, stabulanti retulit. Quanquam haec theoria, ingenioso ab auctore exornata, consistere ex aliqua parte videtur, ei tamen, ni decipior, multa obstant. Pauca memorabo:

Causam

* Vide dissert. inaug. de Incubo.

Causam paroxysmi censere videtur praecipuam esse " spirituum secretionem impeditam ;" hocce autem esse, rei assumptionem existimo ; haud enim certe adhuc constat, num secretio, eive quicquam simile, in cerebro fiat. Porro, encephali compressionem putavit ex sanguinis in vasis cerebri, seu durae matris sinubus, congestione provenire, et inde spiritus secretioni esse impedimento *. At perincertum etiam habuimus, talis humorum, ibi locorum, accumulatio justa accidat, necne, aut sane possit. Professor noster anatomiae clarissimus alio inclinatur : " For as the substance of the
" brain,

* Impedito vero sanguinis regressu per jugulares, sinus durae matris sanguine turgidos, omnia encephali vasa solito magis comprimere necesse est ; unde ob spirituum secretionem impeditam in atrae faucibus mortis haeret aeger.—*Band de Incubo.*

“ brain, like that of the other solids of
 “ our body, is nearly incompressible, the
 “ quantity of blood within the head must
 “ be the same, or very nearly the same, at
 “ all times, whether in health or disease, in
 “ life or after death, those cases only ex-
 “ cepted, in which water or other matter is
 “ effused or secreted from the blood-ves-
 “ sels ; for in these, a quantity of blood,
 “ equal in bulk to the effused matter, will
 “ be pressed out of the cranium *.”

Quin et Doct. Bond remotiores causas
 fluidi intra cranium stagnantis prae-
 cipuas perhibuit, nimiam esse sanguinis quantita-
 tem atque ejusdem visciditatem. Saepe-
 numero (ut ipse vidi) incumbere morbus as-
 suevit,

* Vide Monro's Observations on the Structure and
 Functions of the Nervous System.

suevit, ubi plenitudinis vel humoris viscosi nulla cernenda signa fuerunt. Huic quoque adde, quod opinio de lentore, seu sanguinis viscositate lubrico, ad summum, fundamine nititur. Ob res igitur modo comprehensas, in hanc mali theoriam facile ire nequeo.

Hanc rem fateor vix, aut ne vix quidem, posse plane, ut decet, exponere et perputare; quantum tamen in me sit, id breviter conabor.

Auctori adsentior ingenioso, jam toties citato, plethoricos huic morbo concedendo facile nec rarius opportunos esse; eos vero aliis proniores recuso, aut quidem per se morbi plenitudinem causam esse: Omnibus notum est, eam haud insolitam esse notam cuiusdam corporis habitus, qui, ut ego sal-

tem

tem opinor, multo magis saevo incubi affluti homines facit proclives : Conditio, quam volo, mobilitas, aut de debilitate, ex magna parte, aut forsan irritabilitate et plethora pendens, est. " A plethoric state implies, " for the most part, a laxity of the solids, " and therefore some debility of the moving " fibres *."

Mulieres quam viri magis incubo obnoxiae dicuntur ; et mulierum eae maxime, quae jam amenorrhoea diu laborarunt ; inde enim, ut perhibitum est, humores circumacti justo copiosiores evadunt, quod autem morbo huic proclivitatem dat †.

Neque

* Vide Cullen's First Lines.

† A robust servant girl, about eighteen years old, was severely oppressed with the night-mare two or three

Neque refellere neque firmare in animo est, eas mensibus suppressis laborantes, quam aliae, facilius incubo obrui; si autem res ita se gerat, eam mobilitati, quam solae plenitudini attribuere multo magis adducor; eoque adhuc impensius, cum simul foeminae malo hysterico, quod debilitatem ac morbosam irritabilitatem causam per saepe agnoscit, valde opportuna sint.

Mobilitatem

three nights before every eruption of the menses, and used to groan so loudly as to awake her fellow servant, who always shook or turned her on her side; by which means she recovered. She was thus afflicted with it, till she took a bed-fellow of a different sex, and bore children.—*Bond's Essay on the Night-mare*, p. 49. Case 3.

Diemerbroek exempla varia eodem pertinentia memoravit.

Mobilitatem ex statu debili corporis proveniente causam esse incubi praecipuam, ex aliqua parte firmat insequens casus. Quaedam virgo honesta, hebdomadis quatuor, quae fluore albo, aegre ab ullis remediis reprimendo, laboraverat, macra tandem et perquam debilis fiebat. Hoc circa tempus paroxysmis hystericis frequenter fuit correpta; atque noctu incubus, suo cum comitatu terrifico, somnum dirumpens, graviter eam oppressit. Ut vero primum fluxui obfistebatur, et aliquod virium recuperabat aegra, hysteriae signis quotidie inclinantibus, somnus continuus factus est, eamque satis reficiebat. Se, occasione simili, saepe ante eadem incubi signa perpeffam esse, ipsa memorat.

D

Quam

Quam maxime idcirco inclinatur animus, ut temperamento mobili et laxiori compagi hunc referam morbum. Est "varium et "mutabile foemina," isque, "qui colligit "ac ponit iram temere et mutatur in ho- "ras," nec vero illi, quibus solis abundat sanguis, qui incubo maxime opportuni sunt.

Causae, quae hunc praecipue morbum quovis in corpore jam proclivi excitant, quodammodo iis, ni multum fallor, similes sunt, et epilepsiam et hysteriam facientes : Hi saltem tres morbi communiter quaedam possidere videntur.

Num aura ante paroxysmi epilepsiae ad-
gressum aliquando ab aegro sentienda,
atque "sensus globi in abdomine se vol-
"ventis, ad ventriculum et fauces adscen-
"dentis,

“ dentis, ibique strangulantis,” ante oestrum hystericum obtinens, ephialtae accessionem invidiosam ac furtivam aliqua ex parte simulent ?

Incubus saepe aliorum non nisi symptoma morborum est, irritationum, praesertim, in diversis corporis partibus subsistentium ; quo fit, ut vermes in ventriculo et intestinis delitescentes, nec raro, maxime junioribus, malum efficiant : Eandem quoque causam aliquando agnoscit morbus comitialis.

Porro, ut supra traditum est, situs corporis supinus, seu partes superiores decumbentis et dormientis nimio aequius declives, saepiculae occasionem incubo praebet. An efficiendo, ut cor vasaque magna adeo premantur in spinam, ut eorum actioni obsista-

tur,

tur *, an, in vasis capitis sanguinis motum tardando, positio resupina incubi causa evadit excitans? Quare, si illa ratione, dum vigilans homo jacet supinus, cordis motus non itidem quiescit? Si autem ob causam hanc, quin situs lateralis sanguinis circuitum intra caput aequè non retardat? Nonne potius situs horizontalis, et praecipue supinus, omnium maxime debilitet, minusque stimulorum actioni, quibus solum vivitur, faveat? Inde enim fit, ut functiones omnes torpent, corpus, jam nimium elanguens, languidius evadit, et vis nervosae facilius incidit collapsus.

Seu mirum ob consensum encephalum inter et stomachum, seu propter cavum thoracis diminutum, crapula et temulentia
causae

* Vide dissert. inaug. Doct. Bond.

causae etiam occasionales oneirodyniae interdum existunt. Hinc qui larga coena oneraverit ventriculum, is tum, neque alias, ea aliquando corripitur. Eadem vero paroxysmum epilepticum quoque movent.

Quorum corpora violento et labore continuato fatiscunt, animique simul facultates valde hebescent, ii pulvinaris refectionem petentes, somniis saepissime inquietantur diris, et scelesto equitantur ephialte.

Nonnullis, qui ei obnoxii sunt, epilepsia dormientibus, neque alio tempore, supervenit *. De Haen exemplum, in quo plane apparebat, ad aggressionem comitalem de corporis inter somnum statu omnino proclivitatem pependisse, prodidit. Eadem conditio

* Vide Cullen's First Lines.

conditio itidem prorsus fit necessaria ad paroxysmum ephialticum progignendum.

Quamvis hysteria, incubus, et epilepsia, nonnullis, causis praecipue remotioribus, communiter gaudeant, haudquaquam tamen affirmo, omnes unum eundemque, aut quidem morbi ejusdem varietates, nil praeterea esse: De hoc judicent nosologi: Ad meam satis rem est, si tantam inter eos similitudinem intercedentem reppererim, quae morbi naturam, de quo agitur, melius exponat, ejusque molestiae succurrat. Quum adhuc generis conditio nervosi, atque morbi quidem ex eo pendentes, parum clare intelligantur, forsan nefas, causam ullam certe prodere hujus mali proximam, existimaretur. Rei idcirco maxime diffusus rationi proponere liceat: Num causa continens, five

sive iusta sit, *Energiae* cerebri affectio, seu impedimentum, quantum et ad motus corporis voluntarios, et, magna ex parte, involuntarios, spectet; cum simul ejusdem, quoad quasdam animi facultates, perperam tamen, nec decenter, actio maneat*?

QUO-

* Quicunque rationes epilepsiae, syncopes palpitationis cordis, et paralyfis sedulo perpendat, eorumque historias a practicis delineatas hoc cum morbo, de quo nunc agitur, conferat, is, ni ego fallor, haud aegre mihi concedet, ephialtae proximam supra prolatam, nec multum a causa vera distare.—*Vide First*

Lines, 4th edit. § MCXL. MCLXXV. MCLXXX. MCLXXXIV. MCCLXXXIV. MCCCLX. MDXL.

—V.

QUORUNDAM EXPLICATIO
SYMPTOMATUM.

Somnia dira.—"Somnia," ait illustris medicinae theoreticae Professor, "fiunt, vel
"propter hominem non plene sopitum, cui
"memoria et imaginatio adhuc vigent,
"quamvis voluntatis imperio manumissae;
"vel propter impressiones quaslibet, internas vel externas, adeo validas ut eum
"sentire faciant, quamvis non rumpant
"somnum*." Hoc in morbo, illa horrenda fiunt propter sanguinem in cordis
ventriculis, atriis, vasisque magnis accumulatum, atque ea plus aequo distendentem. Nimirum in hoc statu, ut videtur, homo
sensus,

* Vide Consp. Med. Theoret.

sensus, quem percipit, causam quaerit, et absurdas et ridiculas saepe sibi fingit. Hinc quicquid homini vigilanti metuendum videtur, idem obdormiscenti et somnianti sese quoque offert. Inde vero formae cujusvis terrificae ratio est, quae aegro incumbat. Nonne quoque somnia horrenda hic vexantia, veluti delirium, ob motum sanguinis per cerebrum inaequalem, et tardatum effingi possunt? Ita censeo. Denique, somnia judico horribilia quoque excitari, propter illam anxietatem corpoream, quae ex spiritu pene, vel omnino, interrupto oboritur.

Pulsus intermissio.—Hoc symptoma oriri videtur, vel a nervosa vi inaequaliter in cor systemaque arteriosum influente, vel ab eadem vi cerebri adeo infracta et exhausta, ut neque cordis actionem nec vasorum su-

E

stinere

stinere diutius valeat, ut decet. Hanc igitur ob rem systole deficit, cordisque cava omnia plus solito cum sanguine distenduntur*.

Spiritus difficilis.—Spirandi difficultas causas agnoscit, partim pulmonum vasa, simulque cor suaque magna vasa sanguine infarcta, partimque, et maxima ex parte, facultatem musculorum respirationis et bronchiorum amissam, propter vis nervosae defectum†.

Strangulationis

* Languescit saepe sanguinis motus, imprimis ob debilitatem, torporem, defectum irritationis, veluti exercitationis; sicubi vel vires deficiunt, vel non, ut decet, excitantur, aut excitari possunt.—*Consp. Med. Theoret.* § 473.

† Vide *Consp. Med. Theoret.*

Strangulationis sensus, gemitus, et suspiria.

—Haec omnia respirationem laesam, et impeditam pro causa agnoscunt. Musculi enim linguae, laryngis, et thoracis, quibus efformatur vox distincta, haud, in hoc morbo, sicut debent, voluntatis imperio obtemperant.

Bombi et aurium tinnitus.—Haec signa molesta, terroremque magnum nec raro injicientia, haud infrequenter generis nervosi affectiones comitantur. Aliquando quoque oriuntur “ ab aucto nervorum et musculorum auris labyrinthi sensu et mobilitate:” Originem in ephialte inde, et, partim quoque, ex vehemente animi affectione, trahunt.

Sensus

Sensus ponderis, pectori incumbentis.—

Haec a plerisque sensatio moli sanguinis ingenti in pulmonibus, cordis ventriculis et vena cava, tum collecti, aptissime refertur: Eandem enim ponderis notionem, sive intus sive extus sit, capere mens videtur. Nec idcirco penitus falso de hoc incubitu judicat. Num etiam, aliqua ex parte, ponderis sensus illae anxietati, propter spiritum defatiscentem oriundae, attribuitur?

Corporis immobilitas.—Musculi motus voluntarii, stimulo idoneo admoto, inter somnum aequae ac vigiliam moveri queant. Hoc clare evincit somnambulantium usus nocturnus. Causa autem iusta, ni fallor, corporis hoc sub morbo immobilis supra tradita fuit, vis, scilicet, nervosa in motus organa impedita. Vasti quoque imago ponderis,

deris, in pectore infidentis, oblata menti, facile efficit, ut corpus vix posse moveri credat decumbens.

Nisus ad morbum excutiendum.—Hi pro causa quasque graves sensationes unitas agnoscunt. Æger se in summo periculo versari existimat: Suffocationem enim instantem valde timet. Animalis incumbentis malevolentia rabiesve eum terret: Huc et illuc animum jactat, milleque fugae vias explorat; spe autem effugiendi destituitur. Tandem vicit terror, stimulo vi nervosae est, somnique vincula et somnia simul rumpit: Solitas muscoli trahunt sibi vires: Excutitur incubus. Sic est cernere ephialtem demum natura sibimet curationem praestare.

Palpitatio

Palpitatio cordis.—Anxietatis aliquid cordisque palpitatio plerumque sunt signa paroxyfmi noviffima, quae ab aegro sentiuntur. Actio cordis vehemens, abnormis, hic obtinens, a duplici caufa incipit, ab sanguine, nempe, in cavis ejus nimis abundante; et ab ftatu generis nervofi praeter naturam mobili. Hanc etiam ob caufam, malum hyftericis familiare eft.

EVENTUS EXPECTANDUS.

Quamvis plerique inter fcriptorum vetuftiores, qui hoc ad malum animadvertent, femper fore infaufum portenderunt eventum, iis tamen penitus affentire hac fuper re haud poffum. Si morbus fit quafi primarius, neque de aliis periculofis pendeat,

deat, quippe qui statum tantum generis nervosi peculiarem ostendat, is, sicuti hysteria, epilepsia, aliaque vitia ipsi affinia, quanquam esse longus et molestus, nec tamen saepe lethalis cernatur. Haud nihilominus negabo, quin, alia occasione, homines ab eo graviter impliciti suffocatione periclitentur: Nec enim vero dubitandum est, quin incubus, quamvis varias ob res difficulter annotandas, e medio nonnullos extulerit.

Si incubus non nisi symptomaticus est, prognostica de morbi indole, quem comitatur, omnino pendeant.

Opinio quorundam medicorum est, eum rarius suam per vim, quam graves infecuturos morbos, quos denunciare solet, lethiferum

ferum esse: “ Incubus, vitium quod in
“ somnisprehendit, sua quidem natura non
“ admodum parvum est; verum magna qua-
“ dam mala portendit, morbi comitialis,
“ melancholiae species, morbum attonitum,
“ atque ea non procul abesse, si frequens
“ incubus invadit, significat *.” “ Caven-
“ dum est ab initio; nam ubi diu durat as-
“ fidue irruens magnos morbos, insaniam,
“ morbum comitalem aut fiderationem de-
“ nunciat †.” Denique, audi quid, eodem
pertinens, dixit Lommius: “ Qui hac
“ aegritudine multo jam spatio temporis,
“ ac frequenter occupantur, hisce grave a-
“ liquid capitis malum, puta vertiginem,
“ morbum tum attonitum, tum comitalem,
“ maniam, nervorum distentionem, aut
“ subitam

* Vide Actuar. lib. 5. cap. 17.

† Vide Paul. Aeginet. lib. 3. cap. 19.

“subitam mortem, impendere, sciendum
“est *.”

Boerhaavius etiam, medicus nunquam non venerandus, in aphorismorum libro de apoplexiae symptomatis differens, ephialten tanquam ejusdem signum annumerat.

Istorum tamen pace scriptorum, diris prognosticis, quae tam confidenter enunci-
arunt, non obstantibus, ducor, tum ex plu-
ribus exemplis mihi ipsi oblatis, tum mali
natura, ut multo minus id periculofum cre-
dam, quam illis saltem edicere visum est.

F

RATIO

* Lom. Observ. Med. lib. 2.

RATIO MEDENDI.

Incubi curatio, quantum sympathicus est, adfectus primarii administratione omnino innititur. Si pro causa dyspepsiam, (quod per saepe novi) vermes in tubo intestinali inhospitantes, aliave similia, agnoscit, curandi via istis vitiis primum obortis accommodanda est. De iis vero hic non locus dicendi est.

Ephialtae administratio, strictius idiopathici dicti, facile binas in partes sese resolvit, quarum altera nec nisi est methodus temporaria, et, ut solum ad paroxysmum pertineat, sic ad sympathicum pariter ac idiopathicum accommodatur; altera autem
absoluta

absoluta est, et ad morbi causas tum prae-disponentes tum excitantes respicit.

Via primam absolvendi fere omnibus patet. Si aeger in ipso mali paroxysmo deprehendatur; sique multo vexetur angore, suspiriis, gemitu disrupto, voceque exili cognoscendo, ullum, etiam stimulum levissimum, admove-re cuivis corporis parti, ut pellat morbum, plerumque sat erit.

Practicorum nonnulli fluidi aliquid, aceti praecipue, faciei aliaeve corporis parti conspergi voluerunt; hoc autem prorsus super-
vacuum est; sui enim stimuli ad sensus organa applicatio, veluti ad nasum odores, aures soni, linguam sapida, satis medici voto semper respondebit.

Si

Si supine, ut saepius fit, inter paroxysmum jaceat aeger, eum, quo excutiat morbus, in latus convertere convenit ; quod quidem plerumque facit ipse, cum primum expergiscatur.

Incubo medendi ratio absoluta ex causis, ut antea dictum, remotis perspectis instituenda est. Consilium proponere duplex volo. Primum, ut noxae occasionales, unde oritur, evitentur ; alterum, ut causae proclivitatem facientes amoveantur, certe minuantur.

Cum dormientes supine multo frequentius incubus obnoxios adgrediatur, eoque recte habeatur situs corporis resupinus pro causa excitante, ab eo opportuno cuique cavendum est, atque corpus ipsum ante,
quam

quam obdormiscat, alterutrum in latus componendum est *. Casum Lowerus in tractatu de cordis motu descripsit, quem, quodammodo huc pertinentem, transferre nil dubitavi: “ Imo novi quendam incubo
“ olim maxime obnoxium, virum alias robustum et satis sanum, qui per duos annos
“ non in dorsum conversus dormivit, quin
“ illico affectu isto corriperetur, adeo ut
“ necesse haberet servum contubernalem in
“ eodem lecto decumbentem, admittere, qui
“ statim ac gemitus et suspiria, quibus affectus iste incipere solebat, exaudiret, ipsum in latus alterum converteret; quod
“ factum est semper, ut insultus isti praecaverentur.”

Reliquae

* Plethoricos omni cura fugere oportet decubitus supinum, facile enim incubo premuntur.—*Hoffman de diaeta.*

Reliquae noxae excitantes, si tantum fatis notae sint, facile effugientur ; de iis autem fatis fufe supra dixi. Haud parvi momenti est eas quam maxime evitare ; quippe malum a crebra paroxysmi invasione, non solum totius vires corporis adhuc magis infringat, sed ipsum a consuetudine ita firmetur, ut sanatu tandem difficilior evadat.

Mobilitati hujus morbi propriae, ut supra traditum, causae praedisponenti, diversis modis obviam eatur. In hac curationis tractanda parte respiciendum est ad varias corporis conditiones, unde orta mobilitas est. Si ea, ex medicorum sententia solertium plurimorum effectus, nec plenitudinis causa sit, modi eam corrigendi neminem latent. Exercitatio et diaeta rite administratae plerumque sufficient. Si vero quando

do *turgescentia* occasionalis postularet, eo tempore, quo pravis effectis quam citissime obstitatur, nunquam non convenit copiam sanguinis detrahere. Plenitudo, quae ab menstruorum defectu in magna mobilitate mulieribus, vel ab alia evacuatione arte facta, vel mensibus, si possibile sit, deductis, minuitur *. Epilepsia, apoplexia, aut hysteria

* A young lady about twenty, of a full, sanguineous habit, and lax system of fibres, laboured under an obstinate obstruction of the catamenia for six months. About six weeks after her first period elapsed, she had a severe fit of the night-mare, and next morning she spit near a pound of blood, part of which was coagulated. She complained of an anxiety and oppression in her breast for several days afterwards. She soon grew well, and continued so till a month had passed, when the night-mare returned, and was succeeded by a spitting of blood ; but the second

steria jam minitans seu expectata tanto convenientius reddet, ut aliquid humoris foras mittatur.

Alia nec causa mobilitatis infrequens est debilitas. Si haec, ut saepissime fit, originem ex habitu ingenito traxerit, sanari vix aut ne vix quidem potest. E contrario, si, vitae decursu, a genere vivendi parum naturae convenienti vitium fuerit factum, multum ut plurimum ad id corrigendum possumus.

Corrigitur,

second fit was not so severe as the first. She had periodical fits and discharges of this kind, till, by proper remedies, the redundant streams were conveyed through their usual channels, which, at the same time, carried off the cause and heavy effect of the night-mare.—*Bond's Essay on the Night-mare*, p. 48. Case 2.

Corrigitur, ex aliqua parte, debilitas frigidiusculo in aëre versando; exercitio viribus et consuetudini aegri antecedenti accommodato; saepius balneo frigido utendo; diaeta idonea; et denique remediis roborantibus, qualia sunt cortex Peruvianus, amara omnia, chalybeata, &c. solerter exhibitis. Opium aliaque antispasmodica, praecipue ex regno animali detracta, fummis quoque laudibus, ob virtutes, quibus adversus mobilitatem pollent, efferuntur.

Si ab exinanitione, uti illo in exemplo virginis antea notato, provenire debilitas videtur, ea, pariter atque mobilitas inde incepta corrigi, plenitudinem simul restituendo, et vasorum tensionem secundae valetudinis propriam, potest: Quo autem haec optime exequamur, quique fluxus praeter

naturam quam maxime resistendi, atque
cibi nutrientes, aliaque eidem consilio in-
servientia, industrie adhibenda sunt.

FINIS.

